



Xalq so'zi

O'zbekiston —
kelajagi
buyuk
davlat

2025-YIL — ATROF-MUHITNI ASRASH VA "YASHIL" IQTISODIYOT YILI

1991-yil 1-yanvardan chiqib boshlagan

WWW.XS.UZ

E-mail: info@xs.uz

2025 yil 23-yanvar, № 16 (8911)

Payshanba

Saytimizga o'tish uchun QR-kodni telefoningiz orqali skaner qiling.



O'ZBEKISTON RESPUBLIKASI PREZIDENTI ROSSIYA FEDERATSIIYASI DELEGATSIIYASINI QABUL QILDI

O'zbekiston Respublikasi Prezidenti Shavkat Mirziyoyev 22-yanvar kuni mamlakatimizda tashrif bilan bo'lib turgan Rossiya Federatsiyasi mudofaa vaziri Andrey Belousovni qabul qildi.



Uchrashuv avvalida Rossiya mudofaa idorasi rahbari O'zbekiston yetakchisiga Rossiya Federatsiyasi Prezidenti Vladimir Putinning salomi va eng ezgu tilaklarini yetkazdi.

O'zbekiston — Rossiya keng qamrovli strategik sheriklik va ittifoqchilik munosabatlarini Rossiya Federatsiyasi Prezidentining 2024-yil may oyida O'zbekiston Respublikasiga davlat tashrifi chog'ida erishilgan kelishuvlarni amalga oshirish nuqtayi nazaridan yanada rivojlantirish va mustahkamlash masalalari ko'rib chiqildi.

Qabul qilingan dasturiy va reja hujjatlariga muvofiq ikki mamlakat mudofaa idoralari hamkorligini kengaytirish muhimligi qayd etildi.

O'z.A.

O'zbekiston Respublikasi Prezidenti Matbuot xizmati surati.

OLIIY TA'LIMDA ILMIIY SALOHIIYAT 55 FOIZGA YETKAZILADI

Prezident Shavkat Mirziyoyev oliy ta'lim va ilm-fan sohasidagi ustuvor vazifalarga oid taqdimot bilan tanishdi.

Mamlakatimiz taraqqiyotining tayanchi sifatida bu yo'nalishlarga katta e'tibor qaratilmoqda. Yangi oliygo'harlar ochilib, qamrov ancha kengaydi. Ta'lim jarayonlari sifat jihatdan yaxshilanmoqda.

O'tgan yili bakalavriat yo'nalishlari maqbullashtirilib, 1 ming 200 dan ortiq ta'lim dasturlari xorijiy andozalarga moslashtirildi. Jumladan, bitiruvchilarga malaka talabi to'liq yangilandi, qayta tiklanuvchi energiya manbalari, atrof-muhit muhandisligi, biotexnologiyalar muhandisligi kabi zamonaviy yo'nalishlar ochildi.

Bu yil ham qator muhim vazifalar belgilangan. Xususan, yana mingdan ortiq ta'lim dasturlari "TOP - 300" universitet dasturlari asosida takomillashtiriladi. 45 ta ta'lim dasturi xalqaro akkreditatsiyadan o'tkaziladi. Oliygo'harlarda Registrator ofisi xizmatlari bilan talabalar to'liq qamrab olinadi. Dual ta'limga yana 50 ming talaba jalb qilinadi.

Oliy ta'limda ilmiy salohiyatni 55 foizga chiqarish, xorijda 5 ming nafar pedagog malakasini oshirish rejalashtirilgan. Ilg'or muhandislik maktablarini 25 taga yetkazib, sanoat korxonalarini loyihalar qiymatini 10 barobar oshirish maqsad qilingan.

Taqdimotda mutasaddilar shu borada amalga oshiriladigan ishlar haqida axborot berdi.

Ma'lumki, oliy ta'limga qabul jarayonida "avval test, keyin tanlov" tamoyiliga o'tildi. Davlat granti talabalarining iqtidoriga qarab ajratiladigan bo'ldi. Moliyaviy mustaqillik berilgan 40 ta oliygo'har Registrator ofisi tashkil qilindi. Natijada dekanat va bo'limalarda shtatlar 20 foizga qisqarib, 30 ta xizmat turi raqamlashdi.

Ushbu tajribadan kelib chiqib shunday ofislarni boshqa oliy o'quv yurtlarida ham ochish, ta'lim va ilm-fan xizmatlarini qamrab olgan yagona raqamli tizim joriy etish bo'yicha ko'rsatmalar berildi.

Amaliyot bilan uyg'unlikni kuchaytirish maqsadida dual ta'lim yo'lga qo'yilmoqda. Hozirda 15 ming talaba

957 ta korxonaga birlashtirilgan. Lekin korxonalarda bunga qiziqish kam. Shu bois dual ta'limga ishtirok etayotgan korxonalarini rag'batlantirish bo'yicha takliflar bildirildi.

2024-yil 20-iyunda bo'lib o'tgan videoselektor yig'ilishida davlatimiz rahbari har bir hududda texnika oliygo'har va ilg'or muhandislik maktablari tashkil qilish vazifasini qo'ygan edi. Hozirgacha Termiz, Andijon va Qashg'da texnika universitetlari faoliyati yo'lga qo'yildi. Shuningdek, 8 ta muhandislik maktabi ochildi.

Yig'ilishda Nukus, Buxoro, Farg'ona va Namangan texnika universitetlarini tashkil etish loyihalari taqdimot qilindi. Unga ko'ra yangi yo'nalishlar ochilib, xorijiy dasturlar tatbiq qilinadi, talabalarining ilmiy-innovatsion jarayonlarda ishtiroki kengaytiriladi, oliygo'harlarga sanoat hamkorlari birlashtiriladi.

Umuman, bu yo'nalishdagi 35 ta muassasani yiriklashtirish hisobiga 22 ta texnika universiteti tashkil qilinadi. Shu yil oxirigacha yana 17 ta muhandislik maktabi ochildi.

So'nggi yillarda oliy o'quv yurtlarida ilmiy salohiyat 41 foizdan 45 foizga oshgan. Lekin aksariyat ilmiy tadqiqotlar sanoat va ishlab chiqarishdagi zamonaviy tendensiyalarni qamrab olmayapti.

Shu bois doktorantura kvotasini taqsimlashda iqtisodiyotning drayver sohasiga ahamiyat qaratish, ilmiy daraja va unvonlar olish tartibini takomillashtirish bo'yicha ko'rsatmalar berildi. Pedagoglar kasbiy mahoratini oshirishni yangi bosqichga olib chiqish zarurligi ta'kidlandi.

Yoshlar tarbiyasida axloq va sport ham muhim. Bu borada "Besh tashabbus", "Ma'rifat ulashib", "Talabalar sport ligasi", "Zakovat" kabi harakatlari yo'lga qo'yilgan. Bunday ma'naviy-ma'rifiy, sport va intellektual loyihalar bilan talabalarni to'liq qamrab olish, yoshlarda vatanparvarlik ruhini kuchaytirish tadbirlari yuzasidan axborot berildi.

O'z.A.

O'zbekiston Respublikasi Prezidentining FARMONI E.O.TURDIMOVNI SIRDARYO VILOYATI HOKIMI VAZIFASINI BAJARUVCHI ETIB TAYINLASH TO'G'RSIDA

O'zbekiston Respublikasi Konstitutsiyasining 109-moddasi 15-bandi va 124-moddasiga muvofiq Erkinjon Oqbutayevich Turdimov Sirdaryo viloyati hokimi vazifasini bajaruvchi etib tayinlansin.

O'zbekiston Respublikasi Prezidenti

Sh. MIRZIYOYEV

Toshkent shahri,
2025-yil 21-yanvar

Senat nazorati

SAYYOR MAJLIS

Tumandagi ahvol tahlil etildi

Oliy Majlis Senati Kengashining navbatdagi sayyor majlisi poytaxtimizning Yakkasaroy tumanida bo'lib o'tdi. Unda ushbu tumanni ijtimoiy-iqtisodiy rivojlantirish va aholining yashash sharoitlarini yanada yaxshilashga doir dasturlar ijrosi muhokama qilindi.

Majlisni Oliy Majlis Senati Raisi Tanzila Norboyeva olib bordi.

Ilgari Senat ishchi guruhi tomonidan Yakkasaroy tumani ijtimoiy-iqtisodiy rivojlantirish va aholining yashash sharoitlarini yanada yaxshilashga doir dasturlar ijrosi holati o'rganilib, bu borada 2024-yilda qator ishlar bajarilgani aniqlangan edi.

Qayd etish joizki, tumanni kompleks ijtimoiy-iqtisodiy rivojlantirish bo'yicha maqsadli

ko'rsatkichlar ortig'i bilan bajarilgan. 2024-yil yakuni bo'yicha xizmatlar hajmi 23,4 trln. so'mni (118 foiz), sanoat hajmi 7,8 trln. so'mni (109 foiz), chakana savdo aylanmasi 8,4 trln. so'mni (117 foiz), yashash sharoitlarini yanada yaxshilashga doir dasturlar ijrosi mahalliy byudjet tushumi 151,6 mlrd. so'mga teng bo'lib, bu boradagi reja 151 foizga bajarildi.

Tumanda 2024-yilda 332,5 mln. dollarlik mahsulot ishlab chiqarilgan va xizmatlar eksporti amalga oshirilgan. Sanoat va xizmat ko'rsatish sohaslarini rivojlantirish bo'yicha umumiy qiymati qariyb 764,8 mlrd. so'mlik 13 ta investitsiya loyihasi ishga tushirilib, 500 dan ziyod yangi ish o'rinlari yaratilgan.

O'zbekiston Respublikasi Oliy Majlisi Senatining uchinchi yalpi majlisi ochilishi to'g'risida

O'zbekiston Respublikasi Oliy Majlisi Senatining uchinchi yalpi majlisi 2025-yil 23-yanvar kuni soat 10:00 da Toshkent shahrida Oliy Majlis Senatining majlislar zalida o'z ishini boshlaydi.

Yalpi majlis Senatning "YouTube" tarmog'idagi sahifasi orqali to'g'ridan-to'g'ri yoritib boriladi.

O'ZBEKISTON STRATEGIYASI

BMT Bosh Assambleyasining rasmiy hujjati sifatida tarqatildi

O'zbekistonning Sun'iy intellekt texnologiyalarini 2030-yilga qadar rivojlantirish strategiyasi Birlashgan Millatlar Tashkiloti Bosh Assambleyasi 79-sessiyasining rasmiy hujjati sifatida e'lon qilindi.

E'tirof

Hujjat BMTning barcha oltita rasmiy (ingliz, arab, ispan, xitoy, rus va fransuz) tillarida nashr etilib, tashkilotga a'zo davlatlar, uning tarkibiy bo'linalari o'rtasida tarqatildi, shuningdek, kun tartibining "Barqaror rivojlanish uchun axborot-kommunikatsiya texnologiyalaridan foydalanish"

15-bandi doirasida rasmiy hujjatlar tizimiga joylashtirildi.

Ta'kidlash kerakki, strategiya O'zbekistonda XXI asrning eng istiqbolli texnologiyalaridan biri — sun'iy intellektni rivojlantirish bo'yicha ulkan maqsad, vazifalar va yo'nalishlarni belgilab beradi. Uning asosiy maqsadi 2030-yilga borib O'zbekistonda sun'iy intellektni rivojlantirish bo'yicha

dunyoning yetakchi 50 davlati qatoriga kiritishdir.

BMT hujjatiga ko'ra sun'iy intellektni joriy etishning ustuvor yo'nalishlari va tarmoqlari qishloq xo'jaligi, sanoat, energetika, transport, bank sektori, sog'liqni saqlash, ta'lim va davlat boshqaruvi hisoblanadi.

Sun'iy intellekt sohasida kadrlar va ilmiy salohiyatni rivojlantirish strategiya maqsadlariga erishishning asosiy sharti sifatida qaralmoqda. Mutaxassislar tayyorlashning ko'p bosqichli tizimini yaratish rejalashtirilgan.

ZAMINDAN KOINOT QADAR YUKSALAYOTGAN TAFAKKUR

yoki fikr qulligidan qutqazilgan avlod haqida

"Boy berilgan avlod"... Nobel mukofoti sohibi Ernest Xeminguey "Quyosh baribir chiqaveradi" romanida ushbu mashhur iborani ishlatgandi. Oradan bir asr o'tibdi, mazkur hikmatli so'zlar bema'ni va samarasiz urushlar, yolg'on siyosiy qutqular girdobiga tortilgan avlodlarning bekor ketgan umri va faoliyatining timsoliga aylandi.

Mushohada

Fransuz faylasufi Rene Dekart "Men fikrlayapman — demak, yashamoqdaman", degani bejiz emas. Inson jamiyat taraqqiyotiga faqat fikrlash, yangilik yaratish orqali erishadi. Fikrlash tugashi bilan taraqqiyot ham to'xtaydi.

Yaqin tariximizda bir necha avlodlarni boy berganimizni, orzu-istaklarini poymol etganimizni tan olishimiz kerak. Buning natijasida jamiyatda fikrsizlik, manqurtlik sindromi paydo bo'ldi. Iste'dodni, bilimni qadrsizlantirish avj oldi.

Prezident Shavkat Mirziyoyev 2016-yil xalqqa qilgan ilk Murojaatida davlat va xalq o'rtasida yo'qolgan ishonchni qaytarish kerakligini alohida ta'kidlagandi. Bu da'vatda boy berilgan avlodlarning orzu-umidlari mujassamlashtirildi.

Yoshlarga Prezident Shavkat Mirziyoyev qaytarib bergan fikrlash tuyg'usi nimalarda namoyon bo'ladi?

Nazarimda, O'zbekiston yoshlariga fikrlash, orzu-istaklarini erkin ifodalash imkoniyati taqdim etildi. Prezident yoshlarni eshitdi, qalbiga quloq tutdi. Ularni o'ylantirayotgan muammolarni bartaraf qildi, sun'iy to'siqlarni olib tashladi.

Yoshlar nafaqat majburiy mehnatdan, balki fikr qulligidan qutuldi. Ular turli masalalarni dadil ko'tarishga, talab qilishga, xohish-istaklarini ochiq aytishga o'rgandi. Zero, davlat va jamiyat navqiron avlodning kuch-qudratiga, fikr va qarashlariga tayansagina taraqqiyot yuz beradi.

Prezident Shavkat Mirziyoyev yoshlarga oid islohotlar ijrosini doimiy nazorat qilib bormoqda. Yigit-qizlarimizning jahon bo'ylab erkin harakatlanishi uchun barcha imkoniyat yaratildi. Bir paytlar, hatto qo'shni davlatlarga ham o'qish, izlanish uchun borishdan hayiqqan O'zbekiston farzandlari bugun butun dunyo bo'ylab ilm olmoqda, sayohat qilmoqda.

Turli nufuzli kompaniyalarda faoliyat ko'rsatmoqda.

Tarixda birinchi marta Prezident Shavkat Mirziyoyev chet el safarlarida vatandoshlarimiz bo'lgan yoshlar bilan uchrashib, ochiq muloqot qilmoqda.

To'g'risi, mustaqilligimizning dastlabki 25 yilida bunday yoshlarga turli ayblar qo'yardik. Natijada xorijda o'qib, ishlayotgan yoshlarimiz uchun Vatandoshlarimiz yopildi. Ota-onalari, yaqin qarindoshlari tazyiq ostiga olinardi.

Bu bilan biz yutqazdik. Xeminguey iborasi bilan aytganda, bir necha avlodlarni boy berdik.

Bugungi yoshlarga havasimiz keladi. O'qish va izlanish uchun barcha imkoniyat bor. Samarqand davlat universitetiga juda ko'plab xorijiy mamlakatlarning oliy o'quv yurtlari rektorlari tashrif buyuradi. Imzolangan memorandumda talabalar va yosh olimlar almashinuviga alohida e'tibor qaratiladi. Ulardan faqat o'z mutaxassisligi va chet tili bilish talab etiladi. Qolgan barcha xarajatlarni hamkorlarimiz o'z zimmasiga oladi.

Qani endi yosh bo'lsam-da, Yevropada, AQSH, Yaponiya, Xitoyda o'qisam!.. Dunyo taraqqiyotini, tajribasini o'rgansam. O'zbekistonga kelib bilganlarimni hayotga tatbiq qilsam.

Yoshlarimizga, ota-onalarga, o'qituvchilariga murojaat etgim keladi.

Oliy Majlis Qonunchilik palatasida

MADANIY MULOQOTLAR — XALQLAR O'RTASIDAGI HAMJIHATLIK ASOSI

Oliy Majlis Qonunchilik palatasining Demokratik institutlar va fuqarolik jamiyatini rivojlantirish masalalarini qo'mitasi tomonidan Millatlararo munosabatlar va xorijiy mamlakatlar bilan do'stlik aloqalari qo'mitasining "Milliy madaniy markazlar va xorijdagi vatandoshlar bilan olib borilayotgan ishlar to'g'risida"gi axboroti e'hitildi.

Ta'kidlanganidek, tadbirlar, ko'rgazmalar, O'zbekistonda millatlararo konsertlar va o'quv totuvlik va bag'rikenglikni kurslari tashkil etyapti. ta'minlash, do'stlik muhiti Bu tadbirlar xalqlar va ko'p millatli katta yagona oila tuyg'usini mustahkamlash, xorijiy mamlakatlar bilan madaniy-ma'rifiy aloqalarni kengaytirish bo'yicha keng ko'lami ishlar amalga oshirilmoqda.

Shuningdek, O'zbekiston Respublikasining madaniyat va san'at, ta'lim va ilmiy tadqiqot sohasidagi tashkilotlari, xorijiy davlatlar bilan hamkorlikda madaniy o'rtasidagi hamjihatlikni mustahkamlash, madaniy muloqotni rivojlantirishga xizmat qilmoqda.

"Millatlararo munosabatlar va xorijiy mamlakatlar bilan do'stlik aloqalari qo'mitasi mamlakatimizdagi 157 ta milliy madaniy markaz, xorijdagi 98 ta vatandoshlar jamiyati bilan hamkorlik qilib kelmoqda".

EL DARDIGA DARMON BO'LISH SAODATI

Duny bo'ylab saraton kasalligiga chalinish ehtimoli ko'paymoqda. 2020-yilda 19,3 million odam saratondan aziyat chekkan bo'lsa, ularning 10 millioni shu xastalik natijasida hayotdan ko'z yumgan. Afsuski, yurtimizda ham bu kasallik ko'rsatkichlari yildan-yilga ortib bormoqda.

Og'ir dardga chalinib, hayotdan umidini uzgan bemorlarga shifo ulashib kelayotgan tibbiyot fanlari doktori, professor Mels Qabulov ajal bilan yuzma-yuz kelgan ko'plab insonlarni o'lim changalidan saqlab qolgan shifokor, tom ma'noda qahramon, desak, arziydi. Sakson yoshni qarshilagan olim o'n mingdan ortiq o'ta murakkab operatsiyalarni amalga oshirib, bilim va tajribalarini yoshlarga o'rgatib kelmoqda. Uning qizilo'ngach saratonining oldini olish bo'yicha tajribalarini Markaziy Osiyo onkologlari tibbiyotning ilmiy yangiligi sifatida e'tirof etmoqda.

Tibbiyot fidoyisi

Olis ovuldan chiqqan jarroh

Mels Qabulov Qo'ng'iro't elida o'chog'ining tutuni o'lsidan ko'rinib turadigan xonadonlarning birida dunyoga keldi. 1966-yilda Samarqand shahridagi tibbiyot institutini tamomladi. Shundan so'ng Qoraqalpog'iston Respublikasi sil kasalliklariga qarshi kurashish dispanserida shifokorlik qildi. Bu yerda ishlash jarayonida mazkur kasallikdan aziyat chekayotgan yurtdoshlari dardiga davo topish istagi unga tinchlik bermadi. Qolaversa, o'sha paytlar Orol dengizi suvining o'z sohlini tashlab ketishi atmosferaning buzilishiga, atrof-muhitning ifloslanishiga, oqibatda saraton kasalligining avj olishiga olib kelishi haqidagi xabarlar Mels Qabulovni ushbu kasallikning davosini izlashga, uning hali o'chilmagan jihatlarini o'rganishdek mas'uliyatli ishni zimmasiga olishga sabab bo'ldi.



filiali ish boshladi, - deydi professor Mels Qabulov. - Oradan sakkiz oy o'tib ushbu filialga ishga keldim. O'sha yillarda butun diqqat-e'tiborimni bir masalaga, ya'ni qizilo'ngach saratonining oldini olish yo'llarini tadqiq qilishga qaratdim. "Kasallikning oldini olish bo'ladi" deya ishonch bilan ayta olish uchun ishni respublika aholisining turmush sharoiti, yashash hududi, hayot tarzi, urf-odati, ovqatlanishi kabi jihatlarini atroflicha o'rganib, ilmiy tadqiqotlar olib bordik. Davlat dasturiga muvofiq tadqiqot uchun Mo'ynoq va Taxtakopir tumanlari tanlab olindi. To'plangan materiallar, ma'lumotlar taqqoslab ko'rib, respublika aholisining 78 foizi qonida "S" vitamini yetishmasligi aniqlandi.

O'sha yillari Moskvadan akademik N. N. Bloxin nomidagi Onkologiya markazidan onkoepidemiolog olim, professor D. G. Zaridze, endoskopist, professor Yu. P. Kuvshinov va boshqa ilmiy xodimlardan tashkil topgan ekspeditsiya guruhi tashrif buyurdi. Ular o'zlari bilan olib kelgan "A" vitamini

sinab ko'ra boshladi, bemorlarning o'ngachini tekshiruvdan o'tkazdi.

Chunki saraton-qiltomoq o'ngachda paydo bo'ladi. Qizilo'ngachning ichki qavati ikki oyda almashib turadi. Bu kimyoviy jarayonni yuzaga keltirishda "A" vitamini katta ahamiyatga ega. Demak, bu fikrda ham jon bor.

Obdan tahlil qilinib, o'ngach raki oldindan paydo bo'ladigan leykoplakiya, ezofagit bilan kasallanganlar qonida "A" vitamini kasalga chalinmagan insonlarga nisbatan olti hissa oz bo'lib chiqdi. Demak, yechim kaliti shu yerda ekan. Natijada o'n yil mobaynida Mo'ynoq tumanida ikki ming odamning o'ngachi tekshiruvdan o'tkazildi. Tekshiruv yakunida Mo'ynoqda yashovchi aholida o'ngach saratonini sobiq ittifoqqa taqqoslaganda o'n besh hissa, Qoraqalpog'istonda nisbatan uch marta, O'zbekistonda tarqalishiga nisbatan olti hissa ko'p ekanligi aniqlandi.

Tahlillar yakuniga ko'ra ikki vitamin qo'shib berilsa, ancha yuqori natija berishi, insonlar tegishli vitaminlarga boy ozuqalarni iste'mol qilsa, kasallik chekinishi aniq bo'ldi, - deydi professor M. Qabulov. - Shu bois kasallik ustida ilmiy tadqiqot olib borayotgan tibbiyot xodimlari bilan targ'ibot-tushuntirish ishlariga kirishdik.

Ilk tadqiqotdan muvaffaqiyat sari

Gapning ochig'i, o'sha yillari ayrim do'stlari Mels Qabulovga "doktor vitamin - S", deya taxallus ham qo'ygandi. Nimagaki, ommaviy targ'ib qilish zarurati bo'lgani bois u tez-tez televideniya chiqishlar qilib, xalqimizga qiltomoqni keltirib chiqarishga nimalar sabab bo'lishini tushuntirib boradi. Shuningdek, gazeta, jurnallarda, radioeshittirishlarda inson organizmida "S" vitamini mavjud bo'lgan ozuqalar bilan ta'minlash bo'yicha targ'ibot materiallari beriladi.

Albatta, faqat targ'ibot bilan natijaga erishish qiyin. Tarkibida "S" vitamini ko'proq meva yetishtirishni rivojlantirish zarur edi. Tibbiyot jonkuyarining takliflari inobatga olinib, Qoraqalpog'istonning har bir tumanida bittadan bog'dorchilikka ixtisoslashtirilgan xo'jaliklar tashkil etildi. Natijada xalqimiz taomnomasida meva iste'mol qilish an'anaga aylandi. Va bu konsepsiya oxir-oqibat o'zini oqladi. E'tiborlisi, ikki vitamini qo'shib

berish tufayli o'n yilda Mo'ynoq tumanida qizilo'ngach saraton-qiltomoq bilan kasallanganlar soni bir yarim hissaga kamaydi. Sinab ko'rish maqsadida tadqiqot obyekti qilib olingan Taxtakopir tumani aholisiga "S" va "A" vitamini berilmadi. Natijada Taxtakopirda rak kasalligi oldingiga nisbatan ancha ko'paydi.

Yangi usul o'sha paytlarda qiltomoq kasalligi ko'p uchraydigan Qozog'iston, Turkmaniston, Buryatiya va Yakutiya onkologlari orasida katta bo'lib chiqdi. Buryatiya avtonom respublikasi onkologiya dispanserining bosh shifokori, tibbiyot fanlari nomzodi K. P. Dulganov ikki marta Qoraqalpog'istonga kelib, shaxsan o'zi tajriba o'rganib ketgani ham yuqoridagi fikrlarni tasdiqlaydi.

Jonkuyar shifokor "Qoraqalpog'istonda qizilo'ngach raking oldini olish yo'llari" mavzuidagi doktorlik dissertatsiyasini Sankt-Peterburg shahrida akademik R. I. Vagner rahbarligida muvaffaqiyat bilan himoya qildi, - deydi qozog'istonlik professor Orazbay Abdurazaq o'g'li. - Onkologiya sohasining taniqli olimlari ushbu ilmiy ish Mustaqil Davlatlar Hamdo'stligi mamlakatlari orasida qizilo'ngach raki bo'yicha himoya qilingan birinchi muvaffaqiyatli ish ekanini alohida ta'kidlashdi.

Aniq hudud, aniq muddat va shaxsa qaratilgan xizmat

2024-yilning 22-noyabrida "Ayollar orasida onkologik kasalliklarni nazorat qilish tizimini takomillashtirish chora-tadbirlari to'g'risida"gi Prezident qarori imzolangan ayni muddat bo'ldi, - deya suhbatni davom ettiradi jonkuyar shifokor. - Unga muvofiq 2025 - 2030-yillarda Bachadon bo'yni va ko'krak bezi saratonini nazorat qilish dasturini amalga oshirish bo'yicha chora-tadbirlar tasdiqlandi. Mazkur dastur milliy va xalqaro

Qoraqalpog'iston tibbiyot olamining faxriga aylanib ulgurgan taniqli olimning yubileyi munosabati bilan yaqinda "Mels Qabulovich Qabulov 80 yoshda" nomli kitob nashr etildi. Kitobda uning insonparvarligi, kamtarligi, qobiliyati tufayli "qo'li yengil" mashhur jarroh maqomiga erishgani mahorat bilan yoritilgan. Maqolamiz qahramoni hozirgi kunda ham saraton kasalligini erta aniqlash hamda dard chekayotganlarga darmon bo'lish borasida Orolbo'y aholisining haqiqiy salomatlik posbonidir.

G'ayrat O'AJONOV ("Xalq so'zi").

Iftixor

ISMINGGA MOS JASORATING

("Manchester Siti" futbol klubi a'zosi, O'zbekiston milliy terma jamoasi futbolchisi Abduqodir Husanovga)

Bu elning kuch-qudratiga, Berilgan sof bahodir. Boqib qaddi-bo'yalariga, Deyman: faxr Abduqodir.

Ismingga mos jasorating, Qodir zotdan chin atodir. Omad, degan o'z-o'zidan Kelmas axir, Abduqodir.

Dunyo futbol maydonidir, Ne o'yinlar bo'lmas sodir. Mardlari ko'p janggoh ichra Turmoq og'ir, Abduqodir.

Olam bedor, yo'q oromi, Qayga boqsa o'zbek nomi, Ovro'pa ham shak-shubhasiz, Ochdi bag'ir, Abduqodir.

Bobong Temur, Manguberdi, Jasoratda tengsiz erdi. Tomiringda oqar qoni, Asli yovqur, Abduqodir.

Kimga tushsa Vatan kori, U atalar yurt shunqori, Xalqning polvon ittixori, Deyman: faxr, Abduqodir.

YahyoXON FAYOZ, O'zbekiston Yozuvchilar uyushmasi a'zosi.

Oramidagi odamlar



OTABEKNING OILAVIY BIZNESI

Sho'rchi tumanidagi Joyilma mahallasida istiqomat qiluvchi Otobek Mahmudov noyob parrandalarni parvarishlab kelmoqda. Bugun uning xo'jaligida qirg'ovul, tovus, "Brama" zotli tovuqlar parvarishlanadi. E'tiborlisi, ular faqat ishqibozlik uchun ko'paytirilmaydi, yaxshigina daromad manbaiga ham aylantirilgan.

Asl kasbim ustachilik, uylar quramiz, binolarni ta'mirlaymiz, - deydi Otobek Mahmudov. - Qishloq joyda bo'sh vaqtlarda tomorqada ekin-tikin ekish odatiy hol. Shularga qo'shimcha sifatida kamyob parrandalarni boqaman. Bunday jonivorlarni parvarishlash orqali nafaqat estetik, balki yaxshigina iqtisodiy foyda ham olish mumkin. Masalan, tovuslar birinchi navbatda o'z go'zalligi bilan odamni maftun etadi. Ishaqibozlari ham ko'p. Uning parhezboq go'shti esa ta'mi va sog'lik uchun foydali bilan ajralib turadi. Tovuslar uzoq umr ko'ruvchi qushlar hisoblanadi, 50 yil yashashi mumkin. Ozuqa iste'molida injiq emas. Ratsionini makkajo'xori, suli, bug'doy, guruch, hasharotlar lichinkalari, o'tlar, mevalar va sabzavotlar tashkil qiladi. Makiyon tovuslar yiliga ikki marta polapon ochsa-da, yil davomida tuxum qo'yishdan to'xtamaydi. Tuxumlarining o'rtacha inkubatsiya davri - 27 - 30 kun. Inkubatsiya uchun faqat yangi, qo'yilganiga o'n kundan oshmagan tuxumlaridan foydalaniladi. Tovus tuxumlarini tovuq yoki o'rdaqka ham bostirib chiqarish uchun qo'yish mumkin. Biz ularning bir dona tuxumini 80 - 90 ming so'mdan, jo'jasini esa 200 - 250 ming so'mdan sotaymiz.

Qirg'ovul, ya'ni tuvstovuk haqida gap ketganda, xayolimizda ov bilan bog'liq hodisalar gavdalanadi. Biroq uni uy sharoitida ham ko'paytirish mumkin ekan. Go'shti parhezbopligi tufayli bo'sh vaqtlarda tomorqada ekin-tikin ekish odatiy hol. Shularga qo'shimcha sifatida kamyob parrandalarni boqaman. Bunday jonivorlarni parvarishlash orqali nafaqat estetik, balki yaxshigina iqtisodiy foyda ham olish mumkin. Masalan, tovuslar birinchi navbatda o'z go'zalligi bilan odamni maftun etadi. Ishaqibozlari ham ko'p. Uning parhezboq go'shti esa ta'mi va sog'lik uchun foydali bilan ajralib turadi. Tovuslar uzoq umr ko'ruvchi qushlar hisoblanadi, 50 yil yashashi mumkin. Ozuqa iste'molida injiq emas. Ratsionini makkajo'xori, suli, bug'doy, guruch, hasharotlar lichinkalari, o'tlar, mevalar va sabzavotlar tashkil qiladi. Makiyon tovuslar yiliga ikki marta polapon ochsa-da, yil davomida tuxum qo'yishdan to'xtamaydi. Tuxumlarining o'rtacha inkubatsiya davri - 27 - 30 kun. Inkubatsiya uchun faqat yangi, qo'yilganiga o'n kundan oshmagan tuxumlaridan foydalaniladi. Tovus tuxumlarini tovuq yoki o'rdaqka ham bostirib chiqarish uchun qo'yish mumkin. Biz ularning bir dona tuxumini 80 - 90 ming so'mdan, jo'jasini esa 200 - 250 ming so'mdan sotaymiz.

Turli noyob parrandalarni parvarishlashni daromad manbaiga aylantirgan Otobek Mahmudov noyob mo'ynali quyonlarni ko'paytirishni ham maqsad qilgan. Bu borada dastlabki qadamlarni tashladi. Turmush o'rtog'i esa bunda doimo qo'l-qanot. Zero, ish bilgan odam o'z hayotini go'zallashtiradi.

Farhod ESONOV ("Xalq so'zi").

OOK Atletlar komissiyasi a'ziligiga nomzod

"Xarbin - 2025" qishki Osiyo o'yinlari oldidan Osiyo olimpiya kengashi (OOK) Atletlar komissiyasi tarkibi uchun qishki sport vakillari orasidan nomzodlarni e'lon qildi.



Bu haqda O'zbekiston Milliy olimpiya qo'mitasidan xabar berishdi.

Biz uchun ahamiyatli, mazkur komissiya a'ziligiga tog' chang'isi bo'yicha O'zbekiston terma jamoasi a'zosi Komiljon To'xtayev nomzodi ham qo'yilgan.

Hamyurtimizga bu borada Narumi Takaxasi (figurali uchish, Yaponiya), Ayza Mambekova (figurali uchish, Qozog'iston), Xojun Kim (snoubord, Koreya Respublikasi), Zang Yize (short-trek, Xitoy), Ven-Yi Li (tog' chang'isi, Xitoy Taypeyi) raqiblik qilishadi.

Aytish joizki, ovoz berish jarayoni Xarbin shahrida o'yinlar davomida tashkil etiladi va birgina nomzod komissiya a'ziligiga tanlab olinadi. Jarayonda faqat sportchilar qatnashishi mumkin.

Shpagachilarimiz Doha Gran-prisida qatnashadi

Qilichbozlikning shpaga yo'nalishi bo'yicha O'zbekiston terma jamoasi a'zolarini joriy hafta yakunida yana bir nufuzli xalqaro musobaqa kutib turibdi.

Hamyurtlarimiz 24 - 26-yanvar kunlari Qatarda o'tadigan Gran-pri turnirida ishtirok etadi. O'zbekiston qilichbozlik federatsiyasidan ma'lum qilishlaricha, Dohada quyidagi 8 nafar vakilimiz medallar uchun kurash olib borishadi: ayollar - Shahzoda Egamberdiyeva, Dilnaz Murzatayeva, Sanam Nazarova, Sevara Rahimova. Erkaklar - Ahmadjon Fayziyev, Javohirbek Nurmatov, Muhammadyusuf Siddiqov, Meyirxan Timurov.

Ma'lumot uchun, qizlarimiz o'tgan hafta yakunida Bahraynda uyushtirilgan yoshlar o'rtasidagi jahon kubogi bosqichida jamoaviy dasturda bronza medaliga ega chiqqan edi.



Tennis: terma jamoamiz tarkibi aniq

Xabaringiz bor, tennis bo'yicha O'zbekiston erkaklar terma jamoasi "Davis kubogi" musobaqasining I jahon guruhi uchun play-off bosqichi doirasida Bosniya va Gersegovina termasiga qarshi o'yin o'tkazadi.

Ushbu bahs oldidan terma jamoamiz tarkibi e'lon qilindi. Unga ko'ra tarkibdan mamlakatimizning birinchi raqamli tennischisi Humoyun Sultonov, Sergey Fomin, Maksim Shin va Rahimbek Ibrohimov o'rin egalladi.

terma jamoalari uchrashuvi 31-yanvar - 1-fevral kunlari poytaxtimizdagi Respublika olimpiya zaxiralari tennis maktabi yopiq kortida bo'lib o'tadi. Mazkur o'yinda terma jamoamiz g'alaba qozonsa, I jahon guruhiga chiqadi.

O'zbekiston - Bosniya va Gersegovina

"Xalq so'zi".

MDHga a'zo mamlakatlar kino san'ati ustalari o'rtasida "Hamdo'stlik" xalqaro kinofestivali tashkil etiladi.

Xalq so'zi
Narodnoe slovo

MUASSISLAR:
O'zbekiston Respublikasi Oliy Majlisi Qonunchilik palatasi Kengashi
O'zbekiston Respublikasi Oliy Majlisi Senati Kengashi

Bosh muharrir O'tkir RAHMAT

2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi - 229. Buyurtma G-142. 12 890 nusxada bosildi. Hajmi - 2 taboq. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuklab olish uchun QR-kodni telefoningiz orqali skaner qiling.

TELEFONLAR:
Devonxona 71-259-74-51; kotibiyat 71-259-74-53; e'lonlar 71-259-74-55.

Tahririyatga kelgan qo'lyozmalar taqzir qilinmaydi va muallifga qaytarilmaydi.

Gazetaning yetkazib berilishi uchun obunani rasmiylashtirgan tashkilot javobgar.

Gazeta tahririyat kompyuter markazida terildi hamda operator M. Begumratov tomonidan sahifalandi.

Gazetaning poligrafik jihatdan sifati chop etilishiga "Sharq" nashriyot-matbaa aksiyadorlik kompaniyasi mas'ul. Bosmaxona telefoni: 71-233-11-07.

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir S. Mamurov.
Musahih Sh. Mashrabboyev.

"Sharq" nashriyot-matbaa aksiyadorlik kompaniyasi bosmaxonasi. Korxonada manzil:
Buyuk Turon ko'chasi, 41. O'ZA yakuni - 21.40 Topshirildi - 23.55 1 2 3 4 5 6